

碑
傳
集



PDG

江蘇
書局
校刊

序



於戲盛哉自天命以
來王侯將相卿尹百
執事碩儒才彥之名
跡炳著於
國史矣而金鑛石室

之藏外人弗得見曩
承乏會典之後幸獲
展觀亦不敢私有寫
錄今乃采集諸先正
碑版狀記之文苟及
地志雜傳得若干篇

畧依杜氏大珪焦氏
竝之例以其時以其
爵以其事比而厭之
為若干卷其於二百
年文獻之林不啻嶽
之一塵海之一勺耳

果能口誦而心識焉
可以考德行可以習
掌故不徒飛文染翰
為耳目之玩已也或
一人之事雜見他書
者同時之跡及其子

孫言行有可稱者間
為增錄殿於本篇或
論一事而臧否不同
述一事而甲乙又不
同或推挹過當或沿
習忘反者亦往往有

之自知言者觀之固
可考信而不惑也而
要其大體主乎樂道
人善以為賢士大夫
畜德之助爰取湘東
王之事以名之後有

得者當為續次云
道光六年季春月嘉
興錢儀吉定廬甫識



錢塘諸可寶景奘

後序

嘉慶二十一年江西漕項奏銷冊達戶部列其目有里民津貼銀米者按部例無有謂外吏之私徵也嚴詰之三以何年始以何年徵皆不能知惟雜舉乾隆以來漕督奏中嘗言之上溯雍正元年

諭旨亦嘗及之者以對部議以他省治漕皆無是顧行之已久可無罷宜如舊徵而以其歲入解部備他用既定稟矣會予再莅雲南司檢舊牘見乾隆季年報部冊固有之縣歷數十年未嘗駁詰疑必有故今於其事之創始雖不可得詳既謂之津貼則必以濟運可知也若破除爲他用則運費不足而丁病州縣因以多取於下而民亦病且今將自乾隆以來盡追索之邪抑自今年始也進退皆無所據不若仍舊便尙書索綽羅公用子言更其稟而解部之議寢時道光三年也後數年讀李穆堂侍郎所爲郎溫勤公墓誌其事乃大明白江右多山谿道險漕糧以小艇木筏盤運於是有里民津貼夫船費載於賦役全書康熙三十八年得

旨江右所屬州縣多處山陬百姓自願貼費運米水次者聽著爲令當是時部臣亦嘗議停減總督范公與郎公先後疏爭之漕運賴以濟侍

郎之言如是竊幸前者持議不刺謬又以見舊章之當博攷而文字之益爲無窮也久之讀八旗通志范承勳郎廷極傳言之益詳時方輯諸家碑傳蒐羅舊聞謂其有裨於實用也日舊不能以已遂書之以爲後序嘉興錢儀吉

碑傳集

類目

校刊記 沈吉士書附

總目 一卷

作者紀畧

引用書目 合一卷以上爲首卷上下

宗室 二卷

功臣 分瀋陽一國初二康熙朝二凡五卷

宰輔 分開國一明臣一康熙朝三雍正朝一乾隆朝三嘉慶朝一凡一

部院大臣 分國初二明臣一康熙朝六雍正朝三乾隆朝九嘉慶朝一

內閣九卿 三卷

翰詹 九卷

科道 六卷

曹司 三卷

督撫 分國初二康熙朝六雍正朝一乾隆朝四嘉慶朝一凡一十四卷

河臣 二卷

監司 分國初二康熙朝三雍正朝一乾隆朝四嘉慶朝一凡一十一卷

守令 分國初三康熙朝九雍正朝三乾隆朝六嘉慶朝二凡二十三卷

校官 二卷

佐貳雜職 一卷

武臣 三卷

忠節 六卷

逸民 四卷

理學 三卷

經學 六卷

文學 六卷

孝友 四卷

義行 一卷

方術 一卷

蕃臣 一卷

列女 分賢明一孝淑一節操二烈義四貞潔二合傳二凡一十二卷

附存文 一卷以下爲末卷上下

表外文 一卷

校刊記曰此一部爲類二十有五始天命紀元訖嘉慶朝止二百年中王公大夫士庶統一千六百八十餘人列女又三百三十餘人采文五百六十餘家都一百六十有四卷嘉興給事錢先生所纂錄也原編大旨具詳序言名凡屢更定從今號寓意原委語在桐鄉沈吉士善登書中昔湘鄉太傅文正公序平江李氏著

國朝先正事略首及此書謂曾屬先生從子今侍郎應溥寫其目錄自別京師久從征役而此目錄冊者不可復覩序末又於尋訪錢氏遺書三致意焉庚寅孟春權按察使平湖朱觀察之榛言於布政使貴筑黃公彭年勅議校刊貴筑公因先生從孫青浦尹志澄來謁屬致全稿閏月書至發篋觀之則積稿草至六十有九冊續編五冊目錄一巨冊案題徵文乃知當時寫官眾多分鈔連綴其閒敘次不侔有待釐定者開卷皆是貴筑公於是立編訂之例原編惟康熙朝大臣卷因世宗有本朝大臣以功則李之芳以德則湯斌爲首之諭故用李文襄冠功臣之首湯文正領大臣之前而以陸清獻張清恪繼之遵聖訓重從祀也自茲以外或依科目或稽卒年或夷攷其事其時排比先後無相奪倫其有重出者汰之錯見者移併之續得者散入而附合

之注刪而未乙去者刊落之有一人而互見兩類者百僅二三則於大
題下明註之有文從節錄而非全載者亦於大題下明註之眉間側裏
朱墨標識審爲原筆分列注中者取資印證也錢氏先世碑傳數篇於
禮無改名傳者臨文不諱也又原編附存奏議雜文甚夥凡已見
皇朝經世文編者今皆不錄而仍著其名於篇終示有專書可檢也至
於傳寫譌敗理所不免雖涉疑似一仍舊貫無逞臆妄改之失羣分類
聚井如秩如矣四月幾望貴筑公舉全稿付局責可寶獨任理董之役
鳩工開彫纔過四之一而貴筑公移官去去未三月而計至觀察則遭
太夫人憂歸里矣可寶兢兢守貴筑公例意黽勉卒業洎今寒暑四易
而后全書告成功而觀察起復亦適來嗟夫何其難且幸哉去年秋可
寶被薦至京師侍郎殷勤致詢謂先生此稿保全燹後流轉吳蜀不圖
其梓行之迺在蘇局也夫文正公頻訪之而不必得其全貴筑公力傳
之而不必見其成信乎物之顯晦有時事之無定而若有定者固有天
焉以爲之宰邪抑亦文正公所云借名人之碑傳存名人之事蹟地下
達人傑士其靈爽不可終閼陰有相之者歟近今湘陰李氏有
國朝耆獻類徵初編四百十六卷之刻搜羅別集止三百餘家而史館

列傳居太半視先生書之體裁闕正取舍謹嚴相去又不待論已敢記
因由用諗世之善讀書者光緒十九年歲次昭陽大荒落日長至
特旨發回江蘇五品銜儘先卽補知縣提調書局事宜錢塘諸可寶識

附沈吉士書

遲菊仁兄同年閣下昨得手復益佩納善之誠委作碑傳集跋語因病
遷延至今纔一構思卽心下悸頭汗涔涔然手亦愈震不能握管想能
諒之本書初編未爲定本及最後更名昭德文編之意見公所賜我伯
舅子萬先生手札中登於咸豐乙卯丙辰間從外兄元之茂才借觀始
知其詳同治初元避地同寓滬上并借全稿讀之首冊恭錄

列聖聖德神功碑別編爲卷益知所以重編改名之故今將刊播藝林
誠不可不一宣說以諗學者嘗以語子壽前輩竹石觀簪兩公皆命作
跋顧手札兵後已失距借讀時垂四十年僅記大畧不能舉其辭是時
後母舅子密先生遠宦京邸不知曾見此札否今伯舅諸舅及元之昆
仲皆已下世此說旣無佐證而尤不意此書自蜀中寄同多所點竄與
登曩時所見不盡同也是以跋語措辭益不易病廢旣久又不慣作世
故周旋語姑竭所知爲執事拉雜陳之外祖給諫公在天之靈當亦鑒